

## **CYNGOR BRO MORGANNWG**

### **RHESTR TALIADAU CYDNABYDDIAETH I AELODAU 2016/17**

Mae'r Cynllun hwn wedi ei lunio gan Fesur Llywodraeth Leol (Cymru) 2011 ynghylch Rheoliadau Panel Annibynnol Cymru ar Gydabyddiaeth Ariannol sy'n berthnasol i dalu aelodau ac Aelodau Cyfetholedig awdurdodau lleol. Mae canllaw pellach ar gael yn Adroddiad Blyneddol 2016 Panel Annibynnol Cymru ar Gydabyddiaeth Ariannol, sy'n gosod y fframwaith rhesymegol sy'n sail i'r lefelau tâl a awgrymwyd ar gyfer 2016/17.

#### **1. Cyflog Sylfaenol**

- 1.1 Telir Cyflog Sylfaenol i bob Aelod etholedig o'r Awdurdod.
- 1.2 Yn unol â'r Rheoliadau, adolygir cyfradd y Cyflog Sylfaenol yn flynyddol fel y penderfyna Panel Annibynnol Cymru ar Gydabyddiaeth Ariannol.
- 1.3 Pan mae cyfnod Aelod mewn swydd yn dechrau neu'n dod i ben ar adeg nad yw'n ddechrau nac yn ddiwedd y flwyddyn, cyfrifir ei hawl am Gyflog Sylfaenol yn ôl y gyfradd flynyddol.
- 1.4 Ni thelir mwy nag un Cyflog Sylfaenol i Aelod o'r Awdurdod.
- 1.5 Cyfeirir at gyfrifoldebau sylfaenol aelodau yn Adran 1 o Gyfansoddiad y Cyngor, sydd ar wefan y Cyngor. Mae'r Disgrifiad o Swyddogaeth Aelod wedi'i gynnwys yn Adran 24.1 o'r Gyfansoddiad.

#### **2. Cyflogau Uwch a Chyflogau Dinesig**

- 2.1 Telir aelodau sy'n dal swyddi penodol Gyflog Uwch fel y nodir yn **Atodiad 1**.
- 2.2 Yn unol â'r Rheoliadau, adolygir cyfraddau'r Cyflogau Uwch a'r Cyflogau Dinesig yn flynyddol fel y penderfyna Panel Annibynnol Cymru ar Gydabyddiaeth Ariannol.
- 2.3 Un Cyflog Uwch neu Gyflog Dinesig yn unig gaiff Aelod yr Awdurdod ei dderbyn.
- 2.4 Ni thelir Cyflog Uwch yn ogystal â Chyflog Dinesig i Aelod yr Awdurdod.
- 2.5 Mae pob cyflog Uwch a Dinesig yn cynnwys y Cyflog Sylfaenol.
- 2.6 Ni thelir Cyflog Uwch i ragor o Aelodau na'r nifer a nodir gan Banel Annibynnol Cymru ar Daliadau Cydnabyddiaeth yn ei Adroddiad Blyneddol, ac ni chaiff y nifer gynrychioli dros hanner cant y cant o holl aelodau'r Awdurdod, oni bo hynny er mwyn cynnwys deiliad swydd dros dro ar Gyflog Uwch, sy'n cyflenwi mewn swydd lle mae'r deiliad penodedig yn absennol am resymau teuluol. **Gall y Cyngor dalu hyd at 18 Cyflog Uwch, ond ar hyn o bryd, mae'n cyflogi 14.**
- 2.7 **Ni chaiff** Aelod o'r Awdurdod sy'n derbyn Cyflog Uwch dderbyn cyflog gan unrhyw Awdurdod Parc Cenedlaethol nac Awdurdod Tân ac Achub y mae wedi ei enwebu ar ei gyfer.
- 2.8 Pan mae cyfnod Aelod mewn swydd Cyflog Uwch neu Gyflog Dinesig yn dechrau neu'n dod i ben ar adeg nad yw'n ddechrau nac yn ddiwedd y flwyddyn, cyfrifir ei hawl am Gyflog yn ôl y gyfradd flynyddol.

- 2.9 Mae disgrifiadau swydd ar gyfer Aelodau Cyflog Uwch ac Aelodau eraill wedi eu gosod. Mae'r rhain ar gael yn Strategaeth Datblygu Aelodau'r Cyngor.

### **3. Etholiad er mwyn Hepgor Hawl am Lwfans**

- 3.1 Gall Aelod ddewis yn bersonol i hepgor unrhyw ran o'i hawl am gyflog, lwfans neu ffi sy'n daladwy dan y Cynllun hwn o'r dyddiad a nodir yn yr hysbysiad hwn, trwy anfon rhybudd ysgrifenedig at Swyddog Priodol yr Awdurdod.

### **4. Gwahardd Aelod**

- 4.1 Pan waherddir, neu waherddir yn rhannol, Aelod yr Awdurdod o'i gyfrifoldebau neu ddyletswyddau fel Aelod yr Awdurdod, yn unol â Rhan III Deddf Llywodraeth Leol 2000 (Ymddygiad Aelodau) neu Reoliadau dan y Ddeddf, bydd yr Awdurdod yn cadw cyfran o'i Gyflog Sylfaenol a fyddai'n daladwy iddo yn ystod cyfnod ei waharddiad (dan Adran 155 (1) y Mesur).
- 4.2 Pan waherddir, neu waherddir yn rhannol, Aelod yr Awdurdod sy'n derbyn Cyflog Uwch o'i rôl fel Aelod yr Awdurdod, yn unol â Rhan III Deddf Llywodraeth Leol 2000 (Ymddygiad Aelodau) neu Reoliadau dan y Ddeddf, ni ddylai'r Awdurdod dalu Cyflog Uwch yr Aelod yn ystod cyfnod ei waharddiad (dan Adran 155 (1) y Mesur). Os yw'r gwaharddiad rhannol yn berthnasol i elfen cyfrifoldeb penodol y taliad yn unig, mae'n bosib i'r Aelod barhau i dderbyn y Cyflog Sylfaenol.

### **5. Ad-dalu Cyflog, Lwfansau neu Ffioedd**

- 5.1 Pan mae cyflog, lwfans neu ffi wedi ei dalu i Aelod yr Awdurdod neu Aelod Cyfetholedig ar gyfer unrhyw gyfnod pan oedd un o'r canlynol yn berthnasol i'r Aelod:

- (a) roedd wedi ei wahardd neu ei wahardd yn rhannol o ddyletswyddau neu gyfrifoldebau'r Aelod/Aelod Cyfetholedig, yn unol â Rhan 3 Deddf 200 neu Reoliadau a wnaed dan y Ddeddf honno;
- (b) mae'n peidio â bod yn Aelod yr Awdurdod neu Aelod Cyfetholedig; neu
- (c) trwy unrhyw ffordd arall, nid oes ganddo hawl i dderbyn cyflog, lwfans na ffi dros y cyfnod hwnnw,

bydd yr Awdurdod yn gofyn iddo ad-dalu'r arian a dalwyd iddo dros y cyfnod perthnasol.

### **6. Taliadau**

- 6.1 Telir lwfansau'n rhandaliadau misol o un rhan o ddeuddeg tâl blyneddol yr Aelod.
- 6.2 Os yw Aelod yn derbyn mwy o dâl nac y mae ganddo hawl i'w dderbyn o ran cyflog, lwfansau a ffioedd, bydd yr Awdurdod yn gofyn am ad-daliad o'r gordal.
- 6.3 Mae'r holl daliadau yn destun treth a didyniadau Yswiriant Gwladol perthnasol.

## **7. Lwfans Gofal**

- 7.1 Telir Lwfans Gofal i Aelod neu Aelod Cyfetholedig, y mae ganddo gyfrifoldeb gofal dros blant neu oedolion sy'n dibynnu arno, os yw'r costau yn talu am ofal ar gyfer y rhai hynny tra mae'r Aelod yn ymgymryd â dyletswyddau i'r Cyngor a'u 'cymeradwywyd'.
- 7.2 Mae Lwfans Gofal yn berthnasol i blant 15 oed neu iau ac unrhyw berson arall y gall yr Aelod neu'r Aelod Cyfetholedig ddangos bod angen gofal arno. Os oes mwy nag un plentyn neu berson yn dibynnu ar Aelod neu Aelod Cyfetholedig, gall hawlio mwy nag un lwfans, cyn belled ag y gall yr Aelod ddangos bod angen gwneud trefniadau gofal ar wahân. Bydd Cyfarwyddwr Gwasanaethau Cymdeithasol yn penderfynu pwy sy'n gymwys i dderbyn lwfansau gofal ar gyfer pobl dros 15 oed sy'n dibynnu ar yr Aelod, ar sail asesiad anghenion.
- 7.3 Gall Aelodau Cymwys hawlio Lwfans Gofal ar gyfer gwir gostau a chostau gyda derbynneb o hyd at gyfanswm nad yw'n fwy na'r swm a benderfynwyd gan y Panel Taliadau Cydnabyddiaeth Annibynnol fel y nodir yn **Atodiad 1**. Dylid gwneud pob hawliad am Lwfans Gofal yn ysgrifenedig a'i anfon at Bennaeth y Gwasanaethau Democrataidd gyda manylion yr amseroedd, dyddiadau a rhesymau dros yr hawliad. Mae angen dangos derbynebau ar gyfer trefniadau gofal ffurfiol ac anffurfiol.

## **8. Absenoldeb Teulu**

- 8.1 Mae gan Aelodau hawl, yn ôl gofynion Rheoliadau (Cymru) 2013 ar gyfer Absenoldeb Teulu Aelodau Awdurdodau Lleol, am gyfnod o absenoldeb teulu lle cânt fod yn absennol o gyfarfodydd yr Awdurdod, os yw hynny'n unol â'r amodau a ddisgrifir.
- 8.2 Yn ystod cyfnodau o absenoldeb teulu, mae gan Aelodau hawl i barhau i dderbyn Cyflog Sylfaenol waeth beth oedd eu cofnod presenoldeb yn ystod y cyfnod yn syth cyn yr absenoldeb teulu.
- 8.3 Os yw person sy'n derbyn Cyflog Uwch yn gymwys ar gyfer absenoldeb teulu, bydd yn parhau i dderbyn y Cyflog Uwch trwy gydol cyfnod yr absenoldeb.
- 8.4 Os yw'r Awdurdod yn cytuno ei bod hi'n angenrheidiol penodi rhywun i gyflenwi yn ystod cyfnod absenoldeb teulu deiliad swydd â Chyflog Uwch, bydd yr Aelod sy'n cyflenwi'n gymwys am Gyflog Uwch, os yw'r Awdurdod yn penderfynu hynny.
- 8.5 Os, oherwydd y cyflenwi, yw'r Awdurdod yn talu mwy na'r uchafswm ar gyfer y cyflogau uwch, caniateir codi'r uchafswm ar gyfer cyfnod y cyflenwi.

## **9. Taliadau Aelodau Cyfetholedig**

- 9.1 Telir tâl dyddiol i Aelodau Cyfetholedig (â darpariaeth ar gyfer taliadau hanner diwrnod) os ydynt yn Aelodau Cyfetholedig yn statudol ac y mae ganddynt hawl i bleidleisio.
- 9.2 Telir cyfradd i Aelodau Cyfetholedig ar gyfer pob cyfarfod y maent yn mynd iddo. Mae uchafswm cyflog o 10 diwrnod llawn y flwyddyn ar gyfer pob Pwyllgor y gellir cyfethol rhywun iddo.
- 9.3 Bydd taliadau yn cynrychioli amser teithio i ac o'r man cyfarfod, amser rhesymol ar gyfer paratoi ar gyfer y cyfarfod a hyd y cyfarfod (hyd at yr uchafswm dyddiol).
- 9.4 O ran y Pwyllgor Safonau, y Swyddog Monitro yw'r "swyddog priodol", a bydd yn penderfynu hyd y cyfnod paratoi, amser teithio a hyd y cyfarfod; telir y ffi ar sail y

penderfyniad hwn. Gall y Swyddog Monitro benderfynu o flaen llaw a yw'r cyfarfod wedi ei drefnu am ddiwrnod llawn, a thelir y ffi ar sail y penderfyniad hwn hyd yn oed os yw'r cyfarfod yn terfynu cyn pen pedair awr.

- 9.5 O ran y Pwyllgor Archwilio a'r Pwyllgor Craffu (Dysgu Gydol Oes) Pennaeth y Gwasanaethau Democrataidd yw'r "swyddog addas", a bydd yn penderfynu hyd y cyfnod paratoi, yr amser teithio a hyd y cyfarfod; telir y ffi ar sail y penderfyniad hwn. Gall Pennaeth y Gwasanaethau Democrataidd benderfynu o flaen llaw a yw'r cyfarfod wedi ei drefnu am ddiwrnod llawn, a thelir y ffi ar sail y penderfyniad hwn hyd yn oed os yw'r cyfarfod yn terfynu cyn pen pedair awr.
- 9.6 Pennir cyfarfod hanner diwrnod yn 4 awr o hyd.
- 9.7 Pennir cyfarfod diwrnod cyfran yn gyfnod dros 4 awr o hyd.
- 9.8 Nodir y ffi ddyddiol a hanner diwrnod ar gyfer Cadeiryddion y Pwyllgor Safonau a'r Pwyllgor Archwilio fel y'u pennwyd gan y Panel Annibynnol ar Gydnabyddiaeth Ariannol yn **Atodlen 1**.
- 9.9 Mae'r ffi diwrnod a hanner diwrnod ar gyfer Aelodau Cyfetholedig statudol eraill a chanddynt hawl i bleidleisio, fel y'u pennwyd gan y Panel Annibynnol ar Gydnabyddiaeth Ariannol yn **Atodlen 1**.

## **10. Lwfansau Teithio a Chynhaliaeth**

### **10.1 Egwyddorion Cyffredinol**

- 10.2 Gall Aelodau ac Aelodau Cyfetholedig hawlio costau teithio pan maent yn teithio ar fusnes yr Awdurdod er mwyn cyflawni 'dyletswyddau a gymeradwywyd' fel y nodir yn **Atodlen 2**. Pan mae Aelodau'n teithio er busnes yr Awdurdod, mae disgwyl iddynt fod yn ofalus wrth ddewis y dull mwyaf cost-ffeithiol ac ecogyfeillgar o deithio. Ystyrir amser y daith wrth asesu effeithiolrwydd cost. Mae'n bosib y cwtogir costau Aelod nad yw'n teithio gan ddefnyddio'r dull mwyaf cost-ffeithiol.
- 10.3 Os yw'n bosib, dylai Aelodau rannu trafnidiaeth.
- 10.4 Dylid hawlio costau teithio ar gyfer pellter y daith fyrraf resymol, ar hyd y ffordd, o'r man cychwyn i'r man lle cyflawnir y ddyletswydd, ac felly hefyd o'r fan yno yn ôl i'r man dychwelyd.
- 10.5 Nodir cyfraddau Lwfansau Teithio a Chynhaliaeth Aelodau yn **Atodlen 3**; mae'n bosibl iddynt newid yn sgil adolygiad blynyddol gan Banel Annibynnol Cymru ar Daliadau Cydnabyddiaeth.
- 10.6 Pan waherddir, neu waherddir yn rhannol, Aelod yr Awdurdod o'i gyfrifoldebau neu ddyletswyddau fel Aelod yr Awdurdod, yn unol â Rhan III Deddf Llywodraeth Leol 2000 (Ymddygiad Aelodau) neu Reoliadau dan y Ddeddf, bydd yr Awdurdod yn cadw unrhyw gostau teithio neu gynhaliaeth a fyddai'n daladwy iddo yn ystod cyfnod ei waharddiad neu waharddiad dros dro.

## **11. Teithio mewn Cerbyd Preifat**

- 11.1 Mae Panel Annibynnol Cymru ar Gydnabyddiaeth Ariannol wedi penderfynu y dylid defnyddio cyfraddau Cyllid a Thollau EM ar gyfer defnyddio cerbydau preifat, beiciau modur a beics, yn ogystal â thâl ychwanegol ar gyfer cyd-deithiwr, fel uchafswm y cyfraddau teithio.

11.2 Mae'r cyfraddau fesur milltir ar gyfer cerbydau preifat fel y penderfynwyd gan Banel Annibynnol Cymru ar Daliadau Cydnabyddiaeth yn **Atodlen 3**.

11.3 Os yw Aelod yn defnyddio ei gerbyd preifat er diben dyletswyddau a gymeradwywyd, rhaid sicrhau bod gan y cerbyd yswiriant ar gyfer defnydd busnes. Rhaid dangos tystiolaeth o yswiriant addas i'r Awdurdod os yw'n gofyn amdani.

## **12. Teithio gyda Thrafnidiaeth Gyhoeddus**

### **12.1 Teithio gyda Thrên neu Fws**

Oni bai y cymeradwyir fel arall, ail ddosbarth fydd pob tocyn trên.

Bydd Caffael Corfforaethol yn prynu tocynnau trên neu fws angenrheidiol ar gyfer Aelodau cyn y daith. Os oes angen i Aelod brynu tocyn yn uniongyrchol (sy'n sefyllfa brin), ad-delir y pris wedi i'r Aelod ddangos y tocyn sydd wedi ei ddefnyddio a/neu dderbynneb ar ei gyfer.

### **12.2 Ffioedd Tacsï**

Ad-delir ffioedd tacsï os ydynt wedi eu hawdurdodi mewn achos o argyfwng yn unig, pan nad oes trafndiaeth gyhoeddus ar gael yn rhesymol, neu pan mae ar Aelod angen arbennig. Ad-delir ar ôl cyflwyno derbynneb yn unig.

### **12.3 Ffi Awyr**

Caniateir teithio awyr os mai dyma'r dull trafndiaeth mwyaf cost-effeithiol. Mae angen awdurdodi hynny gan y Rheolwr Gyfarwyddwr.

### **12.4 Teithio Dramor**

Ni chaniateir teithio dramor ar fusnes yr Awdurdod oni awdurdodir hyn gan y Rheolwr Gyfarwyddwr.

### **12.5 Costau Teithio Eraill**

Bydd hawl gan Aelodau am ad-daliad o ffioedd tollau, ffioedd parcio, costau cadw car dros nos a chostau angenrheidiol eraill sy'n gysylltiedig â theithio. Ni roddir ad-daliad heb dderbynneb.

## **13. Llety Dros Nos**

13.1 Mae angen caniatâd ysgrifenedig gan yr Arweinydd (waeth p'un ai oes angen aros dros nos ai peidio) a'r Cyfarwyddwr-Reolwr ar unrhyw Aelod sydd am fynd i gynhadledd neu seminar cyn iddo wneud unrhyw drefniadau ar gyfer mynd. Os caiff awdurdod, cedwir y pro forma wedi ei gwblhau gan y Gwasanaethau Democrataidd.

## **14 Lwfans Cynhaliaeth**

14.1 Mae'r gyfradd gynhaliaeth ddyddiol, er mwyn talu costau prydau a lluniaeth ysgafn yn gysylltiedig â'r dyletswyddau a gymeradwyir (gan gynnwys brecwast os nad yw'n gynwysedig ym mhreis y llety) yn **Atodlen 3**. Mae uchafswm y gyfradd yn darparu am gyfnod o 24 awr a gellir ei hawlio am unrhyw bryd sy'n berthnasol, cyn belled ag y gellir tystio ei brynu gyda derbynneb). Rhaid hawlio ar sail "gwir" wariannau hyd at yr uchafswm.

14.2 Ni ddarperir ar gyfer hawliadau cynhaliaeth o fewn y Fwrdeistref Sirol.

## **15. Hawlio a Thalu**

15.1 Rhaid cyflwyno pob cais am filltiroedd, teithio a chynhaliaeth i'r swyddog perthnasol o fewn 90 diwrnod wedi'r gwariant. Y swyddog perthnasol i'r Aelodau'r Cabinet yw Swyddog y Cabinet. I'r Aelodau eraill, y swyddog perthnasol yw Pennaeth y Gwasanaethau Democrataidd.

## **16. Trefniadau Talu**

16.1 Mae'r Cyngor yn talu cyflogau, lwfansau a ffioedd addas i'w Aelodau (ac aelodau cyfetholedig) sy'n cynnwys costau gofal, costau teithio a chostau cynhaliaeth yn unol â'r atodiad. Gwneir y taliadau hyn trwy system cyflogres y Cyngor, a bydd Pennaeth y Gwasanaethau Democrataidd a Swyddog y Cabinet (sy'n derbyn ffurflenni hawlio'r Aelodau) yn eu gwirio a'u mantoli. Llofnodir y ffurflenni hawlio gan yr Aelodau yn datgan y canlynol -

(a) bod y costau wedi codi o deithio a chynhaliaeth er mwyn rhoi'r gallu iddynt ymgymryd â'u dyletswyddau a gymeradwywyd fel Aelod y Cyngor.

(b) eu bod nhw wedi talu'r costau a nodir

(c) bod y symiau a hawli'r yn cydymffurfio'n gyfan gwbl â chyfraddau a bennwyd gan y Cyngor

(d) nad ydynt wedi derbyn na hawlio costau teithio, cynhaliaeth na lwfans mynychu gan unrhyw awdurdod na chorff arall

(e) bod costau Lwfans Gofal wedi codi yn unol â'r cynllun a gymeradwywyd gan y Cyngor

a bod y datganiadau uchod yn gywir, ac nad ydynt wedi nac am wneud unrhyw hawliad dan unrhyw ddeddf am gostau teithio neu lwfansau yn gysylltiedig â'r dyletswyddau a nodir.

## **17. Pensiynau**

17.1 Bydd yr Awdurdod yn rhoi'r gallu i Aelodau cymwys ymuno â Chynllun Pensiwn y Llywodraeth Leol.

## **18. Cydymffurfio**

18.1 Yn unol â'r Rheoliadau, mae rhaid i'r Awdurdod gydymffurfio â gofynion y Panel o ran monitro a chyhoeddi taliadau a wneir i Aelodau ac Aelodau Cyfetholedig fel y disgrifir yn **Atodiad 4**.

**Atgoffwn Aelodau fod hawliadau am gostau yn rhan o'r archwiliadau mewnol ac allanol.**

# ATODLEN 1

## RHESTR TALIADAU CYDNABYDDIAETH I AELODAU 2016-17

| AELODAU SY’N GYMWYS AM GYFLOG SYLFAENOL         |                 |               | CYFANSWM<br>BLYNYDDOL<br>CYFLOG<br>SYLFAENOL |
|-------------------------------------------------|-----------------|---------------|----------------------------------------------|
| Y canlynol, sy'n Aelodau Etholedig yr Awdurdod: |                 |               | £13,300                                      |
| A.G. Bennett                                    | K.E. Edmunds    | K.P. Mahoney  |                                              |
| R. J. Bertin                                    | C.P.J. Elmore * | A. Parker     |                                              |
| M.E.J. Birch                                    | E. Hacker       | A.J. Preston  |                                              |
| R. Birch                                        | H.C. Hamilton   | R.F. Probert  |                                              |
| J.C. Bird                                       | V.M Hartrey     | A.P. Riley    |                                              |
| G.A. Cox                                        | K. Hatton       | G.H. Roberts  |                                              |
| C. Curtis                                       | H.J.W. James    | R.P. Thomas   |                                              |
| R.F. Curtis                                     | T.H. Jarvie     | S.T. Wiliam   |                                              |
| P. Drake                                        | I.J. Johnson    | A.C. Williams |                                              |
| J.D. Drysdale                                   | M. Kelly Owen   |               |                                              |
| *Ni hawlir y lwfans.                            |                 |               |                                              |

|     | AELODAU SY'N GYMWYS AM GYFLOG UWCH<br>(yn cynnwys cyflog sylfaenol)      |               | CYFANSWM<br>BLYNYDDOL<br>CYFLOG<br>UWCH |
|-----|--------------------------------------------------------------------------|---------------|-----------------------------------------|
|     | SWYDD                                                                    | AELOD         |                                         |
| 1.  | Arweinydd ac Aelod Cabinet dros Adnoddau a Mewnfuddsoddi                 | N. Moore      | £48,000                                 |
| 2.  | Is-Arweinydd ac Aelod Cabinet dros Adfywio ac Addysg                     | L. Burnett    | £33,500                                 |
| 3.  | Aelod Cabinet dros Dai, Gofal Cymdeithasol ac Iechyd                     | B.E. Brooks   | £29,000                                 |
| 4.  | Aelod Cabinet dros Wasanaethau Adeiladu, Prifffyrdd a Thrafnidiaeth      | P.G. King     | £29,000                                 |
| 5.  | Aelod Cabinet dros Wasanaethau Gweledol, Hamdden a Rheoliadol            | G. John       | £29,000                                 |
| 6.  | Cadeirydd Pwyllgor Craffu ar Berfformiad Corfforaethol ac Adnoddau       | M.R. Wilson   | £22,000                                 |
| 7.  | Cadeirydd Pwyllgor Craffu ar Amgylchedd ac Adfywio                       | A.J. Moore    | £22,000                                 |
| 8.  | Cadeirydd Pwyllgor Craffu ar Dai a Chymunedau Diogel                     | C.J. Williams | £22,000                                 |
| 9.  | Cadeirydd Pwyllgor Craffu ar Ddysgu a Diwylliant                         | N.P. Hodges   | £22,000                                 |
| 10. | Cadeirydd y Pwyllgor Craffu ar Fyw'n Iach a Gofal Cymdeithasol           | R.L. Traherne | £22,000                                 |
| 11. | Cadeirydd y Pwyllgor Cynllunio                                           | F.T. Johnson  | £22,000                                 |
| 12. | Cadeirydd y Pwyllgor Trwyddedu (Pwyllgorau Statudol a Diogelu'r Cyhoedd) | A.G. Powell   | £22,000                                 |

|                                                                                                                            | <b>AELODAU SY’N GYMWYS AM GYFLOG UWCH</b><br>(yn cynnwys cyflog sylfaenol) |              | <b>CYFANSWM BLYNYDDOL CYFLOG UWCH</b> |
|----------------------------------------------------------------------------------------------------------------------------|----------------------------------------------------------------------------|--------------|---------------------------------------|
|                                                                                                                            | <b>SWYDD</b>                                                               | <b>AELOD</b> |                                       |
| 13.                                                                                                                        | Arweinydd y Grŵp Gwrthbleidiol Mwyaf                                       | J.W. Thomas  | £22,000                               |
| 14.                                                                                                                        | Arweinydd yr Wrthblaid                                                     | C.P. Franks  | £17,000                               |
| 15.                                                                                                                        | Ni ddefnyddir y swydd                                                      |              |                                       |
| 16.                                                                                                                        | Ni ddefnyddir y swydd                                                      |              |                                       |
| 17.                                                                                                                        | Ni ddefnyddir y swydd                                                      |              |                                       |
| 18.                                                                                                                        | Ni ddefnyddir y swydd                                                      |              |                                       |
| Mae uchafswm o <b>18</b> swydd gyflog uwch ar gyfer Cyngor Bro Morgannwg, ond <b>14</b> yn unig y mae'r Cyngor yn eu talu. |                                                                            |              |                                       |

| <b>HAWL AM GYFLOG DINESIG</b><br>(yn cynnwys cyflog sylfaenol) |              | <b>CYFANSWM BLYNYDDOL CYFLOG DINESIG</b> |
|----------------------------------------------------------------|--------------|------------------------------------------|
| <b>SWYDD</b>                                                   | <b>AELOD</b> |                                          |
| Maer                                                           | S.C. Egan    | £21,500                                  |
| Dirprwy Faer                                                   | E. Williams  | £16,000                                  |

| <b>HAWL FEL AELODAU CYFETHOLEDIG STATUDOL</b>                                                                         |                                                                                                                                                                                                                                                                                                                                                                                                                                                                                                   | <b>SWM LWFANS AELODAU CYFETHOLEDIG</b>                                                                                                                                                           |
|-----------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------|
| <b>SWYDD</b>                                                                                                          | <b>AELOD</b>                                                                                                                                                                                                                                                                                                                                                                                                                                                                                      |                                                                                                                                                                                                  |
| Cadeirydd y Pwyllgor Safonau                                                                                          | Mr. A.G. Hallett                                                                                                                                                                                                                                                                                                                                                                                                                                                                                  | £256 Ffi Ddyddiol<br>£128 Ffi ½<br>Diwrnod                                                                                                                                                       |
| Aelodau Cyfetholedig Statudol<br><br>Pwyllgor Safonau<br>Pwyllgor Archwilio<br>Pwyllgor Craffu ar Ddysgu a Diwylliant | <u>Safonau:</u> <ul style="list-style-type: none"> <li>Mr. J.F. Baker</li> <li>Mr. D. Carsley</li> <li>Mr. A.J. Lane</li> <li>Mrs. M.J. Pearce</li> <li>Y Cynghorydd M. Cuddy (cynrychiolydd Cyngor Tref a Chymuned)</li> </ul><br><u>Archwilio</u> <ul style="list-style-type: none"> <li>Mr. P.R. Lewis (Is-gadeirydd)</li> </ul><br><u>Pwyllgor Craffu ar Ddysgu Gydol Oes</u> <ul style="list-style-type: none"> <li>Dr. C. Brown</li> <li>Mr. P. Burke</li> <li>Y Tad E. Counsell</li> </ul> | £198 Ffi Ddyddiol<br>£99 Ffi ½<br>Diwrnod<br><br><br><br><br><br><br><br><br><br>£198 Ffi Ddyddiol<br>£99 Ffi ½<br>Diwrnod<br><br><br><br><br><br><br><br><br><br>£198 Ffi Ddyddiol<br>£99 Ffi ½ |



| HAWL FEL AELODAU CYFETHOLEDIG STATUDOL |                 | SWM LWFANS<br>AELODAU<br>CYFETHOLEDIG                |
|----------------------------------------|-----------------|------------------------------------------------------|
| SWYDD                                  | AELOD           |                                                      |
|                                        | Mr. L. Kellaway | Diwrnod<br>£198 Ffi Ddyddiol<br>£99 Ffi ½<br>Diwrnod |

| AELODAU SY’N GYMWYS I DDERBYN LWFANS GOFAL |  |                                    |
|--------------------------------------------|--|------------------------------------|
| Pob Aelod                                  |  | Hyd at<br>uchafswm o<br>£403 y mis |

## ATODLEN 2

### Dyletswyddau a gymeradwywyd: -

- mynd i gyfarfod yr Awdurdod neu unrhyw bwyllgor yr Awdurdod neu unrhyw gorff y mae'r Awdurdod yn penodi neu'n enwebu pobl iddo neu unrhyw bwyllgor corff o'r fath;  
*e.e. cyfarfodydd y Cyngor, pwyllgorau, cynrychioli ar gyrff allanol sydd wedi eu cynnwys yn Llyfr Blynyddol y Cyngor.*
- mynd i gyfarfodydd unrhyw gymdeithas o awdurdodau y mae'r Awdurdod yn aelod ohoni;  
*e.e. cyfarfodydd Cymdeithas Llywodraeth Leol Cymru, Cymdeithas Llywodraeth Leol.*
- mynd i unrhyw gyfarfod arall y'i cynhelir gydag awdurdodiad yr Awdurdod neu bwyllgor yr Awdurdod neu gydbwyllgor yr Awdurdod gydag un neu fwy o Awdurdodau eraill;  
*e.e. cyfarfodydd is-bwyllgorau, gweithgorau, paneli, grwpiau cynghorol, fforymau – fel y nodir yn Llyfr Blynyddol y Cyngor neu fel y penderfyna'r pwyllgorau.*
- dyletswydd a gyflawnir er diben neu yn gysylltiedig â chyflawni cyfrifoldebau'r Cabinet;  
*e.e. Cabinet, busnes y Cabinet, is bwyllgorau'r Cabinet. **Ond nid yw'n berthnasol i gyfarfodydd gyda swyddogion – megis Timau Rheoli'r Adrannau a chyfarfodydd briffio gyda Phrif Swyddogion.***
- dyletswydd a gyflawnir er mwyn gweithredu Gorchymyn Sefydlog sy'n gofyn i Aelod neu i Aelodau fod yn bresennol pan agorir dogfennau tendro;  
*Amherthnasol – Nid oes angen i Aelodau fod yn bresennol ar gyfer Gorchymynion Sefydlog.*
- dyletswydd a gyflawnir yn gysylltiedig â chyflawni cyfrifoldebau'r Awdurdod sy'n rhoi'r gallu neu sy'n gofyn am i'r Awdurdod archwilio neu awdurdodi archwilio eiddo;  
*e.e. ymweliadau archwilio swyddogol i eiddo.*
- mynd i unrhyw hyfforddiant neu ddigwyddiad datblygu a awdurdodir gan yr Awdurdod neu ei Gabinet;  
*e.e. mynd i ddigwyddiadau Datblygu Aelodau.*
- unrhyw ddyletswydd arall wedi ei chymeradwyo gan yr Awdurdod, neu unrhyw ddyletswydd arall o fath sydd wedi ei gymeradwyo, pan y'u gweithredir er diben, neu mewn cysylltiad â, dyrannu ei gyfrifoldebau.  
*(Nid yw'r Awdurdod wedi defnyddio'r cymal hwn i ehangu ar ddiffiniad dyletswydd sydd wedi ei gymeradwyo yn y cynllun.)*

### ATODLEN 3

#### **Cyfraddau fesul milltir**

|                                                                                      |                                              |
|--------------------------------------------------------------------------------------|----------------------------------------------|
| Cerbyd modur preifat o unrhyw faint<br>Hyd at 10,000 milltir<br>Dros 10, 000 milltir | 45 ceiniog y filltir<br>25 ceiniog y filltir |
| Beiciau Modur Preifat<br>Beics                                                       | 24 ceiniog y filltir<br>20 ceiniog y filltir |
| Tâl ychwanegol am gyd-deithiwr                                                       | 5 ceiniog y filltir                          |

#### **Lwfans Cynhaliaeth**

Mae cyfradd y lwfans cynhaliaeth yn hyd at uchafswm o £28 y dydd, ac mae'r manylion fel a ganlyn:

|                                                                  |        |
|------------------------------------------------------------------|--------|
| Lwfans brecwast (dros 4 awr o safle preswyl arferol, cyn 11am)   | £6.06  |
| Lwfans cinio (dros 4 awr o safle preswyl arferol rhwng 12 a 2pm) | £8.35  |
| Lwfans te (dros 4 awr o safle preswyl arferol rhwng 3pm a 6pm)   | £3.29  |
| Lwfans pryd nos (dros 4 awr o safle preswyl arferol wedi 7pm)    | £10.30 |

Prydau rhad ac am ddim: Gostyngir y cyfraddau uchod gan swm addas os rhoddir unrhyw brydau yn rhad ac am ddim gan unrhyw awdurdod neu gorff yn ystod y cyfnod y mae'r cyfraddau'n berthnasol iddo.

Nid ad-delir costau diodydd alcoholaidd.

#### **Aros Dros Nos**

Uchafswm y lwfans ar gyfer llety dros nos yw £150 yn Llundain, a £95 ym mhobman arall. Mae uchafswm o £25 ar gael am aros dros nos gyda chyfeillion neu berthnasau tra mae'r Aelod yn cyflawni dyletswydd a gymeradwywyd.

## **ATODLEN 4**

### **Cydymffurfio**

- Bydd yr Awdurdod yn trefnu cyhoeddi cyfanswm y taliadau a wna i bob Aelod ac Aelod Cyfetholedig o ran cyflog, lwfansau, ffioedd ac ad-daliadau ar ei wefan erbyn 30 Medi ar ddiwedd y flwyddyn berthnasol. Er mwyn bod yn eglur, bydd hyn yn cynnwys taliadau cydnabyddiaeth holl benodiadau gwasanaeth cyhoeddus yr Aelodau Etholedig.
- Bydd yr Awdurdod yn cyhoeddi datganiad cyfrifoldeb sylfaenol cynghorydd ar ei wefan yn ogystal â disgrifiadau swydd ar gyfer deiliad swyddi Cyflog Uwch sy'n nodi'n glir beth yw'r dyletswyddau a ddisgwylir ganddynt.
- Bydd yr Awdurdod yn cyhoeddi rhestr flynyddol o daliadau cydnabyddiaeth yr Aelodau nid hwyrach na 31 Gorffennaf yn y flwyddyn y mae'r rhestr yn berthnasol iddi.
- Bydd yr Awdurdod yn anfon copi o'r rhestr i'r Panel Annibynnol ar Gydabyddiaeth Ariannol erbyn 31 Gorffennaf yn y flwyddyn y mae'r rhestr y berthnasol iddi.
- Bydd yr Awdurdod yn cadw cofnodion presenoldeb Aelodau/Aelodau Cyfetholedig yng nghyfarfodydd y Cyngor, Cabinet a'r Pwyllgorau a dyletswyddau eraill a gymeradwywyd y gall Aelod/Aelod Cyfetholedig hawlio ad-daliad ar eu cyfer.
- Bydd yr Awdurdod yn trefnu cyhoeddi Adroddiadau Blynyddol wedi eu llunio gan Aelodau ar ei wefan.
- Pan mae'r Awdurdod yn cytuno i dalu am gyflenwi yn ystod absenoldeb am resymau teuluol, bydd yn rhoi gwybod i'r Panel Annibynnol ar Gydabyddiaeth Ariannol 14 diwrnod wedi dyddiad penderfynu ar y manylion, yn cynnwys enw'r swydd benodol a chyfnod y cyflenwi.
-